

高涪縣志卷二十八

摭軼

古有正史而稗野不廢蓋正史舉大而置細舉要而遺煩不有稗野何以補正史所未逮然此猶家自爲書言人人殊也至一人之作亦有累牘未盡者左氏稱良史本傳外又纂異同而爲國語又有世本陳承祚志三國又有古國志及益都耆舊十篇昔人重棄一事雖更端引伸所不遑恤况兩間盤礴委積何所不有一切輪囷幻變賅而存之亦以見天地之菁華古今之奧衍也齊諧洞冥盡無稽哉作摭軼

羊角頭烈士傳左伯桃羊角哀往楚并食於梁山伯桃死而角哀達乃厚葬伯桃於梁山下一夕角哀夢伯桃告曰幸感所葬奈何與荆將軍墓相鄰每地下與吾戰爲之困迫今年九月十五

高涪縣志

卷二十八

摭軼

一

日將大戰望子借兵馬於塚上叫噪相助角哀覺而悲之如期而往曰今在塚上安知我友地下之勝負乃命開棺自刎報并糧之義也廟在溧水縣南四十五里唐大曆六年顏魯公經此以詩弔之汪漚來西雜錄云後高孔宅門人有莊田謂在羊角頭初不知其故及至其地有石壙旁有石馬仆於草中已無碑記不可考也但此地正吳楚往來孔道并食厚葬其卽此歟獨所謂荆將軍則不知其人或謂刺始皇之荆軻謬也稽古今逸史載有荆軻字次飛曾斬蛟除害又云廟在溧水縣南於此爲近又高涪舊爲溧水有荆軻殿在或云遊山卽荆山是爲荆次飛墓無疑志此以俟好古君子折衷焉

安興鄉李溪有虞媪者因驟雨以杯承簷間水水中浮紅絲縷飲之遂孕及期產一蛇身具五色媪怖裹而投之溪每至溪浣洗

蛇輒來就乳乳亦湧射蛇以咽承之旣而厭惡之斫以刀正斷其尾蛇忽作龍形巨軀絳章風雨大作壅土成墩而媪已葬其中龍出溪去回首顧者二十有四一回則成一灣俗稱望娘灣由湖達江不知所逝每歲寒食及十月節必有風雨迴繞葬處河魚上壅居民持網以俟有一人而獲魚數石者所謂龍祭掃也

金陵屬邑溧水溧陽舊多蠱疾丞相韓滉爲浙西觀察欲絕其源未得時有僧住竹林寺每絹一疋易藥一丸中蠱者多獲全濟值滉小女有惡疾浴於溫泉而愈乃舍女妝奩造浮圖於泉之右延竹林藥僧主之滉因求其方刊石於二縣之市以流布焉唐末喪亂石不復存而溫泉之寺不改鎮之夏氏世傳其法藥以溫湯爲名志所自也原方五月初桃皮生用二錢般蝥以麥

高淳縣志

卷二十八

據軼

二

麩炒去翅足二錢大戟生用二錢共研末爲丸中蠱者食前用米泔下一丸坐淨室中忌孝服婦人及貓犬見崇甯間住持僧智溍得之帥府曾氏云

歐陽文忠撰許遜行狀云王師圍金陵李氏大將李雄擁兵數萬留上江陰持兩端李氏患之以爲非遜不能召雄遜走上江以語動雄雄卽聽命已而李氏以蠟書止雄於溧水遜曰此非柵兵之所留之必敗戒雄曰兵來慎毋動待我一夕當入白與公兵俱入城遜去王師挑之雄輒出戰果敗死遜至收其餘卒千人而去按雄之死事其烈足多至遜之爲雄謀也甚切非承叔之狀恐無道其姓氏者據祭法以死勤事以勞定國祀之雄可謂能死遜之周旋回斡亦云勞矣舉當祀於其土者舊志不載茲特采輯焉

永豐圩南關王廟有古樹形如蓋枝幹盤鬱數百年物也咸豐間粵逆屢伐有聲出樹間頭痛旋止後匪陷金寶圩難民乘夜逃出皆以樹爲指迷遠望有燈如炬全活甚衆人以爲神

淨行寺唐中和年建時方草創規制未備忽池中湧大木數百章遂取以構殿宇樓藏備極壯麗

新化寺明萬曆十七年有二僧載紫霄碧霞佛至寺衆方聚觀僧隨滅跡鄉人建行宮祀之

學宮松寶應龔綺手植曰松出牆丈浞其有興者乎後十餘年松踰牆隨有領鄉書者嗣是上南宮登顯仕其言果驗

大山南深澗有物起首如胡牛金目朱吻鱗甲耀日盤旋數仞掠西南而去時正德戊申八月也

萬曆十五年大水龍潭河中有巨木綠苔蒙茸首尾不可見倏長高浞縣志

卷二十八

據軼

三

數丈水勢湧起蓋龍類也十九年十月有龍起西蓮湖雨雹隨所歷處稻無子遺擊死牛畜甚衆人亦被傷

明初建天地壇徵梁木於浞時以唐昌干墩岡梅木應詔昇次水濱詔罷之後木遂漸沒入砂磧歲正二月間有梅花漂浮波面今其地名梅塘以梅梁名渡

魏銓溺石曰湖求其尸不得母孔氏叩之巫神降曰吾宗三留而子爲八弟尸當自出越七日尸浮水上兩腋各挾一魚母撫而泣曰是我兒其目張目張復曰真是我兒其合目目隨合銓季弟銑有女銓卒時尚未誕後見銓日記我家人遂繪像祀之

韓叔陽與館人同載入燕冰渡黃河中流冰解同陷水中有操鉤者救之已攝館人之衣館人指叔陽呼曰彼貴人急救之且可得重賞操鉤者遂舍館人而救叔陽展轉間而館人已滅沒無

及矣韓每與人言輒爲流涕事見王世貞四部稿

五石馬鞍等山嘉靖未有鑿坎取煤者土崩人壓坎中三日家人灼龜卜之先小龜弗兆復購巨龜卜之兆報以生因共致力掘土土盡人見尙不死問其故蓋坎中有二龜繞身云

獅子樹宋志景炎二年蔡丞相孫各有花任溧水判官遊永豐圩民備酒牛迎候花不勝慰謝行至圩南見大樹株幹盤旋枝葉繁茂詢父老何名曰昔太師在此築圩有異人贈楊梅因種其核迄今百有餘年樹生楊梅人有採取者似有吼聲故名獅子樹花曰此仙種也我祖所植安忍悖棄遂辭官不仕借二子隱此更姓他氏

滄溪三元觀神以筆降明萬曆十六年饑江右一旅人負楮經此里人疑爲布輒動心焉其僕探知尾旅人殺之掘頭河後疫作

高瀆縣志

卷二十八

藝軌

四

僕死里人質之神曰掘頭河事發衆詫不解里人曰非我使之神曰舉念是何人里人懼俄亦疫死又廟木被竊載神於舟求之夜忽風雨驟至視火光所在竟得木 王村有神亦能除怪吳漕溝有農人某耘於田適一媪擔盒來時暑甚汗流媪臨水解衣拭汗農隱從後取衣匿棘中復耘如故媪覓不得泣曰是假之親者吾命已矣欲投水忽雷作農震死出衣棘中媪行忽顛天曰農雖不良奈何以一衣殛之雷復震農甦

固城石臼二湖有聲起自水中如大爆遠近皆聞之然不知所在每天將暴雨則其聲益厲或謂相木精

甘村有大樹鄉愚驚爲神祈禱動四境廉憲魏成忠惡其妖白邑侯莊伐之樹若有血痕妖遂絕天啟六年

薛城人築賽祭塲掘土五尺許得髑髏如巨斗皆異之有歎客家

唐溝先一夜夢金甲人仗劍言曰吾晉將軍守薛城明日被難宜急救吾客驚晨趨至薛城適過獲髑髏處眾方燦堵觀客遽拜其實告中有秉插者聞言若有所記憶曰咄咄客夢吾何符耶相率羅拜爰歛諸棺昇祖塋瘞焉

花山神燈光炬皎潔每風雨離迷尤晶然可觀然究莫得其處湖中有大蚌如筐每夜值風霾嘗張介作帆檣狀徜徉水面光具五采瀕湖而居者室宇皆爲焜耀然游息不過石曰西蓮二湖不能達江一日偶涸竟滯湖畔若小阜然汲者履之未幾風雨交作跣蹕而去人始知前所履者爲阿堵也

鐵繩在石曰中漁者得之累繹彌長至盈舟而莫知所極或懼其舟之墜焉仍委之湖

吳洪字拱之銀林人明懷宗末爲水標營副總時江上戒嚴洪親

高瀆縣志

卷二十八

撫軼

五

率卒伍沿江夜巡至中流聞簫鼓聲隱隱若巨艦命卒伍以鈎取之則沉沒廢船也洪以爲神物會造戰舸剖廢船雜眾木中冀得神助未幾國朝兵渡江洪所造舸方鼓棹忽陰風四作盡墮江流洪僅以身免

趙士林字以卿立信人崇正間諸生變起懷枕戈之志時王師至費家嘴士林裹書爲甲挺長鏡以往死之月餘神色如生邢昉詩以哭之

楊鳴忠唐昌人康熙戊午有虎來東壩匿王母澗深麓中大爲民害行者裹足鳴忠奮不顧身仗梃格殺之載獻邑侯剖視其腹一孕五子皆爪牙宛然鄉人僉嘆異然鳴忠旣大創尋卒侯嘉其義勇建墓立碑復其家

邢禳渡巢湖溺死妻甘氏往求之未獲已而舟底忽有聲乃溺尸

也尸久莫辨甘曰夫曾被燈燼破左襟補綴手迹可認諦視果
禩也巢人神其事祀之湖濱甘氏少年守志載貞節傳禩卽邢
昉八世祖也

邑之東鄉有兄弟析箸者田宅俱均受惟一牛未有專屬時方春
耕兄弟相爭後先鄰人解之不能平時牛繫林下自斷其鼻繩
奔至兄前伏而稽首者數四又趨弟前稽首亦如之視其目淚
涔涔下兄弟遂相感悟以牛爲閒牛相與飼牧之街南氏曰不
謂之牛也而有高伯通之盛德焉嘗見兄弟析產而左右袒者
讒言構釁遂致同室操戈摧衄同氣蓋不少矣嗚呼是牛之不
若矣事見吳肅公闡義

兵房王某者途遇雨一鄉人留之宿盛款之其家有古爐王矚其
爲金也遂囑獄中盜陷之鄉人求救於王王佯爲幹濟遂蕩產
高瀆縣志

卷二十八

撫軼

六

獄平索爐爲謝後數年鄉人忽見王馳入牛欄俄報一牛生詢
之而王死矣後牛每遇耕故不進必呼某名乃努力逾常鄉人
以是恢產如故

邢霞生家夜失火一牛入中堂大鳴家人始覺然已不得出牛力
觸檐牆傾人乃得免牛以傷力致斃 邢之鵬愛一驢鵬死
驢鳴淚下及葬驢自斷其韁隨棺哀鳴不已越三日死
韓副使當岳園有古樟兩葉相合作柳聲晝夜不絕韓无疾祭而
伐之无疾尋卒

王村有栗樹一株大數十圍順治己亥十月花發如桃盈枝爛熳
里人以爲士子瑞庚子鄉試孫奏孫謙果同榜至康熙辛亥冬
花發如前史秉直陳悅且以壬子並登賢書丙辰冬花又發人
以爲非賓興期明年丁巳遇恩科葛長祚中式其驗不爽如此

康熙六十年辛丑胥河之南濮陽氏有怪火每昏輒起數月以爲常居人繞室巡邏甚至室中不敢舉爨而設甌釜於露地巡邏少懈火乃四發然亦無大害

密港嘴一農人濬池至深際現樓屋三楹半在池中半在隄下柱大圍餘椽桷窗櫺無恙并有樓蓆未朽取木者相爭里人恐損圩堤仍壅土覆之乾隆十年正月事也

乾隆十五年庚午正月十三夜大雷雨立信鄉有停柩遭雷起棺木髑髏焚燬無遺而覆茅猶然無恙

縣治安瀾門三里西舍倪家村背有古楓樹一株遙望重重如車蓋咸豐間頻遭兵燹遠近樹木伐盡每有兵勇往伐此樹斧鋸皆不能入有駐紮之兵欲伐舉手忽聞樹作人聲樹頂突出青煙駭而止時人稱之曰神樹至今盛茂

高瀆縣志

卷二十八

撫軼

七

城西十里許長蘆中街大廟旁有雙全巷每逢天陰卽從石中現出雙全形至今未改遠近傳爲異事

桂某素通仙釋後葬蘆溪西鄙不數日風雨驟至卽成大墩至夜半往往有誦經木魚之聲好事者多倚墓墩聽之果然

花犇胡家村左竹木叢茂之處每逢月朗風清時聞吟咏之聲有夏鳳山過此見一麗人坐月下悲怨不絕鳳近前問之乃知爲汪氏東姑生前未嫁有強暴欲污之恐不免焉遂自盡及曉詢之故老故老曰此女頗孝故死後仍英靈不散鳳以棗糕祀之夜夢其女稱謝後鳳貿易獲利數倍

大甘村東保賊陷涓後據民房築壘婦女盡逃同治二年十月官軍克復賊退放火烧壘中房屋霎時煙焰蔽天無一人救撲忽然天降大雨火滅煙消民居如故距甘村半里外並無點雨

王姓有養牲之家一日生小猪數口有一口似猪非猪一首四耳
二尾八足似有和合之狀三日不乳而死

蘆溪古靈植蘆以衛圩田故名呂文節公過此飲於夏錦堂家席
有銀魚遂舉觴賦詩云蘆溪風味好先嘗恰向花前佐酒觴座
客莫催婪尾飲添將蠟蓋醉斜陽以上舊志

孫逸墓城東三里許賀村相傳吳赤烏時皇陵賀村即當年朝賀
地故名墓前湖山環拱一塔高聳地勢頗雄

楚靈侯墓縣東七十里柘山西半山或傳古時卞和獲玉於荆
山之下即此未審所謂靈侯者何所據而云然

光緒丙申重築固城之德成圩挖取圩內廢田土以培圩埂深至
五尺餘得古瓶一約長尺許形似土色頗有古致或以爲卽胥
瓶未審是否又得古錢一串已朽碎土底並橫有古木一株長

高淳縣志

卷二十八

撫轍

八

不可計得難起出削取木片數莖焚之香氣襲人殆皆數千年前物也

陶滙增字海舫進士陶汝霖第三子也隨任山右天姿英邁十歲
即能文喜讀杜詩下筆迥異恒流其師若楊枚臣王向甫皆奇
賞之惜年甫十六即以殘疾廢遺有覺非齋詩稿其擬宮詞云
霜清月白夜三更冷逼羅帷夢未成黃葉也曾沾雨露不應蕭
瑟作秋聲鴛鴦瓦冷碧玲瓏桂苑香飄玉漏終翠輦不來秋欲
老半階黃葉月明中鸚鵡云芳草萋萋故國情赤欄干外落花
輕依人終是籠中物應悔能言累此生

論曰二氣之氤氳五行之沴變於一物焉是寓雖極纖渺而其陸
離班駁俶儻權奇類有不可磨滅之致故次及之若夫韓館人
之愛主趙士林之抗節似出一時激發而綱常係人道憑焉撥
而書之於篇他日必有懷金管者臚列之忠義之冊也豈細哉

高淳縣志卷二十八

補遺

名宦

劉澤嗣字遠修吳橋人廩生康熙十三年任臨政嚴肅荏苒屏迹修黌宮飭郵傳創育嬰堂民不勞而事舉

叢元燦山東文登人進士雍正元年任慎重學校履任後見泮宮傾圯捐貲重修正殿兩廡及櫺星諸門

金友蘭雲南阿彌州人舉人雍正七年任舊徵匠班銀六十七名友蘭詳請歸入正項錢糧具題存案並祀邑中遺愛祠以上嘉慶間府志

文學

劉鳳字古心宋翰林學士著有易範行世

劉泳號仁齋揚州鎮南王聘訓世子中浙闈延祐間十七名舉人

高淳縣志

卷二十八

補遺

一

會試成進士晚著有大學衍義行世

夏宇號漁樂少穎悟慷慨多奇節事母以孝聞有國士稱宏治三年授柳州行都司經歷奏議恤邊戍四事深悉軍隱鑿鑿可行當道嘉其經濟才長子校甯遠知縣次杞七歲能屬文惜天歿字為文哭之

夏翀字士昂性敏好古博涉經史應宏治選貢廷試第一不肯覆謂升斗祿非所以了夙願也飄然而歸

張司璿觀察蘊之嫡孫也力學攻文崇正壬午入邑庠時距甲申三年耳遂輟舉子業博洽羣書旁搜遠紹以經史為宗著有林

屋史抄俟刻

隱逸

夏時叙號逸菴少卓犖為文中鉅手見宋室危屨高尚不出賓義

館名逸菴書室招致鄉族子弟親訓廸多成材一時文學蔚興子五麒麟祐祥書令各治一經眾稱爲五經先生

夏天麟逸菴次子以明經辟授建康路直學宋亡引歸教讀出其門者多究心伊洛嘗語子弟曰讀書當以明道爲己任不可苟祿姪日宣亦抱志遠引識者謂有二疏風云

夏士豪字猶興沉靜好學弱冠食餼明季多事淡於進取嘗曰吾生平志在泉石何必以五斗米累耶鼎革後巡撫王兩以豪薦終不出閉戶著書以終以上舊志

孝子

史德銘農夫也事母有孝行母陳氏病危百治罔效德銘日夜泣禱潛割股和藥以進母愈而人不知歷久乃知其事其素行真篤多類是

高淳縣志

卷二十六

補遺

二

篤行

韓元字東暘例貢生性耿直博學能文道光間創辦書院厥功甚偉邑侯許深器重之贈以董勸可風額生平嫉惡維嚴羣邪爲之喪膽咸豐兵亂以持正故幾斃於匪手遂抑鬱而終

宋錦字晴雲廩貢生性廉潔好義行咸豐間兵亂應變濟急保全族中人不少後董書院事邑中大成殿文昌宮明倫堂各要公均預有勞焉於其一族纂修宗譜保衛宗祠倡建廟宇皆孳孳爲之族人感焉爲懸德隆望重額於祠子祺郡廩生

孔慶麟字玉書廩貢生性敦謹勤學持身涉世悉循矩矱善排解難紛治家尤嚴課婦女有法門庭肅穆鄉里交推之

李國榮字郁軒布政司理問銜性誠篤有經濟才咸豐兵亂時保衛本宗族甚力恢復後重建本族宗祠經理本鄉文塾孳孳不

倦董書院事最久邑中各工程悉經壁畫七鄉咸倚重焉

殉難

陳氏文生湯正謙妻咸豐十年遇髮匪威逼投水死

孫氏胡齊忠妻年十九歲咸豐兵亂懼汚赴水死繼聘梁氏年十

三遇匪強逼不從被殺一門雙烈人咸憫之

吳氏陳時曜妻咸豐年間曜受賊害當時殉節

節婦

繆氏魏增連妻二十四歲寡孝事翁姑撫兩代遺孤成立艱苦備

嘗其節操幾與冰霜比烈年九十四歲卒

夏氏甘衍智妻二十八歲寡撫孤子原泉入泮年五十六歲卒

李氏孫守愚妻二十五歲寡事翁撫孤年三十六歲卒

吳氏監生邢錫朋妻二十二歲寡撫孤成立年四十四歲卒

高淳縣志

卷二十六

補遺

三

邢氏文童李則霖妻二十九歲寡撫孤成立清節羣推現年五十

八歲 湯氏曹獻愷妻二十九歲寡現年六十歲

韓氏魏林先妻二十七歲寡撫孤紡織苦節永貞現年四十五歲

陳氏沈萬茂妻二十一歲寡撫孤成立門戶現年七十八歲

陳氏趙維清妻二十六歲寡撫孤守節矢志靡他

施氏文生蔣德輝妻二十六歲寡撫孤成人

前志凡遲報各條均列之補遺一門其類頗夥此次自應依類
增入各卷惟前志迄今歷年未久原板尙存此次又以經費不
敷不及通盤重刻除依類增入多數外其有時代在前不便全
卷翻刻如原補遺中文學隱逸兩類只得仍列之補遺以俟將
來重行刻板時再爲增入其餘所遺亦屬無多均照列補遺一
門以存舊例如右至前志有時代顛倒及列傳人物應列此類

而雜入彼類者尙屬不一而足又查乾隆朱志疆域志列建置志後山川志前楊志乃後於山川志藝文志朱志在列傳後撫軼卷前楊志夾入列傳中且各卷數亦間有複雜似均未合此次總以不全刻板之故姑爲仍之釐而正焉俾各得其當是所待於後之從事者

此外尙有清季兩江師範畢業邢紹貞部試列最優等照章應獎師範科舉人又最遲報之節婦李氏王敦讓妻王氏周惟根妻谷氏邢璧珂妻陳氏傅于鎬妻陳氏傅于德妻朱氏李則進妻均係年未及三十而寡現已年逾五十歲志操羣推並附錄之以俟後之脩志者分別酌補焉

前志屢脩於流寓仙釋兩門未有增輯亦缺憾也茲就訪問所及附錄一二以俟後此重脩者補入焉

流寓

徐文靖字位山安徽當塗縣人乾隆間以博學鴻詞徵授翰林院檢討生平著述鴻富與淳邑趙弁為文字交時往來於淳城邵子夔字叙堂安徽太平縣人世居淳城咸豐兵亂時已習商業進士陶汝霖見而異之決其為科第中人遂收之門下讀書過日不忘咸同間由進士歷任九江建昌等府著有文集行世呂賢楨字幹亭安徽旌德縣人世居淳之固城鎮學業淵博文筆靈敏同治間由進士任廬江府教授

仙釋

顯朗字秉先一字晦堂淳邑人徐姓保聖寺僧兼任寶華高座宏

高淳縣志 卷末

附頁

覺等寺有古柏堂詩集

智漢一字智深淳邑人能詩其贈陶友月詩云櫛櫛頻添又一年溪頭梅柳吐寒烟南村有個陶居士竟向丹湖種白蓮列傳中有應行改正各條茲特摘出以俟後之從事者

文學門 楊純伯 應列 鄉宦

篤行門 曹永廉 孫思聘 趙經品 趙友鵬 趙友秀

夏 敷 濮陽鑾 趙 鴻 唐允華 王材銳 以上

應列孝子 劉定應 夏景行 施 偉 以上應列義烈

好義門 陳 荔 應列義烈 劉繼良 劉 勳 以上應列孝子

殉難門 徐綸庚 應列忠臣

撫軼門 趙士林 應列義烈

右民國八年補刊

